

永濟縣志

第六冊

永濟縣志卷之十二

祀典

先師廟號漢平帝稱宣尼公北魏孝文帝稱文聖宣父後
周宣帝封鄒國公隋文帝稱宣師尼父唐元宗謚文宣王
宋眞宗謚元聖又改至聖元武宗號大成至聖文宣王明
嘉靖九年更號曰至聖先師孔子繪像始自漢靈帝光和
元年畫先聖及七十二弟子像唐元宗開元八年特爲曾
參塑像坐於十哲之次圖七十弟子及二十二賢於廟壁
出王者袞冕服衣孔子宋大中祥符間加冕九旒服九章

桓圭一令以玉易木崇甯四年加冕十二旒服九章金大定十四年用冕十二旒加服十二章纁旂九就明洪武十五年命宋訥撰敕撤南京大學及天下郡縣學像成祖八年視北京國學因元時塑像猶存不忍遽毀而齊甯長山諸邑章服不古有詔改正天順中蘇州知府林鶚始因泥像剝落易以木主至嘉靖釐正通行而北雍古像盡撤矣從祀先儒自洪武四年黜楊雄進董仲舒正統二年以宋胡安國蔡沈眞德秀從祀八年以元吳澄從祀宏治九年以宋楊時從祀嘉靖釐正祀典罷祀公伯寮秦冉顏何荀

况戴聖劉向賈逵馬融何休王肅王弼杜預吳澄十三人
改祀林放蘧瑗鄭眾盧植鄭元服虔范甯七人於其鄉增
入后蒼王通歐陽修胡瑗陸九淵從祀隆慶五年進薛瑄
萬曆十二年進王守仁陳獻章胡居仁三十九年增宋羅
從彥李侗從祀 國朝康熙五十二年進朱熹於十哲之

次五十四年以宋范仲淹從祀雍正二年增定文廟從祀
先賢先儒復祀林放蘧瑗秦冉顏何鄭康成范甯增祀縣
賈牧皮樂正子公都子萬章公孫丑諸葛亮尹焞魏了翁
黃榦陳淳何基王伯趙復金履祥許謙陳澧羅欽順蔡清

陸隴其又增從祀崇聖祠一人張迪位居周氏之下程氏之上

先師廟祀明洪武初定樂章舞六佾命製大成樂器頒行天下府州縣學樂用登歌朔望令郡縣以下詣學行禮嘉靖釐正祀典春秋仲月上丁以正官爲獻官縣佐教官爲分獻官今仍其制

樂曲

咸和迎神徹饌送神 宵和奠帛 安和亞獻 景和三獻

樂器

麾一 祝一 敔一 琴六 瑟二

篴六 笙六 鳳簫二 橫笛六 引節二

鐘十六 磬十六 塤二 篪二 搏拊二

應鼓一 翟籥合四十八

樂生三十六人 舞生三十六人 歌生六人

陳設

至聖位前祭用帛一牛一羊一豕一登一鉶二

中登爲太羹煮肉汁

不用鹽醬兩傍鉶爲簠二 一盛黍 簋二 一盛稻 籩十

和羹以猪腰羊脅造

簠二

一盛稷

簋二

一盛粱

籩十

一棗二栗三榛四菱五形鹽六藁 豆十 一菁菹二鹿

魚七芡八鹿脯九白餅十黑餅

豆十

醢三芹菹四

兔醢五韭菹六醢醢七笋尊一爵三鑪一鐙二
菹八魚醢九脾析十豚拍會典載凡

祭丁品物非其土
產者以所產代

四配前各帛一羊一豕一鉶二簠簋各二邊豆各八爵
三鑪一鐙二東西各尊一

十二哲前各帛一鉶一簠簋各一邊豆各四爵三東西
各羊一豕一尊一鑪一鐙二

兩廡二位共一案每位爵一每案簠簋各一邊豆各四
東西各羊三豕三尊三統設香案二每案帛一爵三
鑪一鐙二牲載於俎帛正位四配異篚十二哲東西

共筐尊實酒疏布幕勺具

祭儀

祭前一日執事者設香案牲房外獻官常服詣省牲所省牲宰牲盛毛血少許於盤是日觀樂習儀齋宿及期質明鼓三嚴樂舞生就位執事者各司其事陪祭官分獻官獻官以次就位瘞毛血舞生執羽籥迎神麾生舉麾擊祝樂奏咸和之曲奏畢贊拜樂盡麾生偃麾櫟敔樂止奠帛行初獻禮詣盥洗所盥畢詣酒罇所司罇酌酒詣至聖前麾生舉麾擊祝樂奏宵

和之曲跪奠帛獻爵俯伏平身詣讀祝位麾生偃麾

樂暫止眾官跪讀祝文

祝文附載

讀畢俯伏興平身麾生

舉麾樂生接舞奏先未終之樂詣四配前跪奠帛獻

爵畢俯伏興平身行分獻禮各獻官詣盥洗所盥畢

詣酒罇所酌酒詣東西哲詣東西廡神位前俱跪奠

帛獻爵畢俱俯伏興平身復位樂盡麾生偃麾櫟敵

樂止行亞獻禮麾生舉麾擊祝樂奏安和之曲禮同

初獻畢麾生偃麾櫟敵樂止行終獻禮麾生舉麾擊

祝樂奏景和之曲禮同亞獻畢麾生偃麾櫟敵樂止

跪飲福受胙畢俯伏興平身復位拜興平身各官拜
訖徹饌麾生舉麾擊祝樂奏咸和之曲執事稍動籩
豆司節引舞生序立樂盡麾生偃麾櫟敔樂止送神
麾生舉麾擊祝樂奏咸和之曲拜興平身各官拜訖
樂盡麾生偃麾櫟敔樂止讀祝者執祝進帛者捧帛
各詣瘞所望瘞麾生舉麾擊祝樂奏咸和之曲捧祝
帛者詣望瘞位獻官分獻官陪祭官至瘞所祝一帛
一段數至九段焚訖樂盡麾生偃麾櫟敔樂止禮畢

崇聖祠祀先師則前期從事正位前各帛一羊一豕一鉶

二簋簋各二邊豆各八爵三尊一鑪一鐙二

四配各帛一簋簋各一邊豆各四爵三東西各羊一豕

一尊一鑪一鐙二

兩廡東二案西一案均簋簋各一邊豆各四每位爵一

東西各帛一羊一豕一尊一鑪一鐙二俎筐幕勺具

名宦祠

鄉賢祠位前各帛一羊一豕一邊四豆四尊一爵三歲

春秋釋奠禮畢致祭

至聖先師樂章

大哉孔子先覺先知與天地參萬世之師祥徵麟紱

韻答金絲日月旣揭乾坤清夷

迎神昭平之章

予懷明德玉振金聲生民未有展也大成俎豆千古

春秋上丁清酒旣載其香始升

奠帛初獻宣平之章

式禮莫愆升堂再獻響協鼓鏞誠孚疊獻肅肅雍雍

譽髦斯彥禮陶樂淑相觀而善

亞獻秩平之章

自古在昔先民有作皮弁祭菜於論思樂惟天牖民

惟聖時若彝倫攸敘至今木鐸

終獻敘平之章

先師有言祭則受福四海黌宮疇敢不肅禮成告徹

毋疏毋瀆樂所自生中原有菽

徹饌懿平之章

鳧繹毳毳洙泗洋洋景行行止流澤無疆聿昭祀事

祀事孔明化我烝民育我膠庠

送神德平之章

文昌帝君樂章

秉氣兮靈躔翊文運兮赫中天蜺旌兮戾止雕俎兮

告虔迓神庥兮於斯萬年

迎神丕平之章

神之來兮遵簋式陳神之格兮几筵式親極昭彰兮

靈貺致蠲潔兮明禋升香兮伊始居歆兮佑我人民

奠帛初獻
俶平之章

再酌兮瑤觴燦爛兮庭燎之光申虔禱兮神座儼陟

降兮帝旁粢醴潔兮齋邀將綏景運兮靈長

亞獻煥平之章

禮成三獻兮樂奏三終覃敷元化兮絜神功馨香達

兮肸鬯通歆明德兮昭察寅衷

終獻煥平之章

備物兮惟時告徹兮終禮儀神悅懌兮鑒在茲垂鴻

佑兮累洽重熙

徹饌懿平之章

雲輶駕兮風旗招神之歸兮天路遙瞻翠葆兮企丹

霄願迴靈眷兮福我朝

送神蔚平之章

煙煴降兮元氣和神光燭兮梓潼之阿化成耆定兮

囊弓戢戈文治光兮受福則那
望燎蔚平之章

關聖帝君樂章

懿鑠兮焜煌神威靈兮赫八方偉烈昭兮累禋祀事

明兮永光達精誠兮黍稷馨香儼如在兮洋洋
迎神格平

之章

英風颯兮神格思紛綺蓋兮龍旗軒桂醕兮盈卮香

始升兮明粲惟降鑒兮在茲流景祚兮翊昌時
奠帛初獻

翊平之章

觴再酌兮告虔舞干戚兮合宮懸歆苾芬兮潔調扇

巍顯翼兮神功宣

亞獻恢平之章

鬱鬯兮三申羅籩簋兮畢陳儀卒度兮肅明禋神降

福兮宜民宜人

終獻靖平之章

物惟備兮咸有明德惟馨兮神其受告徹兮禮終罔

咎佑我家邦兮孔厚

徹饌彝平之章

幢葆威蕤兮神聿歸馭鳳軫兮驂虬駢降煙煜兮餘

飭醑願回靈盼兮德洽明威

送神康平之章

焄蒿烈兮燎有輝神功遙燭兮祥雲霏祭受福兮茂

典無違庶揚駿烈兮永奠疆畿

望燎康平之章

南壇祭風雲雷雨山川文

惟

神勸勦天澤福佑蒼黎佐靈化以流行生成永賴乘氣機
而鼓盪溫肅攸宜磅礴高深長保安貞之吉憑依鞏固實
資捍禦之功幸民俗之殷盈仰神明之庇護恭修歲祀正
值良辰敬潔豆籩祇陳牲幣

北壇祭社稷文

惟

神奠安九土粒食萬邦分五色以表封圻育三農而蕃稼